

Phalimonari Sitenosisi (Pulmonary Stenosis)

Nhlokomhaka:


1. Sitenosisi ya vhaluvhu ya phalimonari.

Nhlamuselo:

Xana i yini?

Ku na mpfaleko wa nkholuko ku suka embilwini ku ya emahahwini. Vhaluvhu leyi nga eka phayiphi leyi nga exikarhi ka mbilu na mahahu a yi kahle. Yi tsongaharile naswona a yi pfuleki kahle, hikwalahokaleswi ngati a yi khuluki hi ku olova ku ya emahahwini. Hikuva vhaluvhu yi ri nkulotlulampimo yi tala ku tlhela yi pfuta - leswi swi pfumelelaka ngati yin'wana ku va yi khulukela endzhaku embilwini ematshan'wini ya ku ya emahahwini.

Mikarhi yin'wana mpfaleko wu va ehansi ka vhaluvhu kumbe enhenhla ka vhaluvhu. Mpfaleko wa vhaluvhu i xin'wana xa swiphiso swa ntolovelo swa mbilu leswi kumekeka evaneni.



Xana switandzhaku swa byona hiswihi?

N'wana loyi a nga xiphiso lexi u tala ku va a nga kombisi swikombiso, loko mpfaleko wu tikile swinene n'wana a nga hefemula hi ku hatlisa, a tikeriwa hi ku dya, na ku karhala hi ku hatlisa.

Tlhelo ra xinene ra mbilu ri fanele ku popa ngati hi le ka vhaluvhu leyi nga pfaleka, ku endla leswi yi fanele ku popa hi ntamu ku tlula hi ntolovelo. Leswi swi vangela mbilu ya xinene ku va yi pfimba, yi hetelela yi karhala yi nga ha swi koti ku tirha, leswi swi vuriwa ku hluleka ku ba ka mbilu ya xinene.

Byi tshunguriwa njhani?

Loko mpfaleko wu ri wuntsongo wu nge lavi ku tshunguriwa, kambe wu lava ku tshamela ku kamberwa hi mikarhi. Loko wu nga ri wuntsongo wu nga lava ku tshunguriwa hi baluni. Baluni yi hundzisiwa ku suka etiphayiphini hi le nengeni, yi ya embilwini, no tlhela yi hundza hi le ka vhaluvhu leyi pfalekeke. Ya pfurheteriwa, kutani yi pfula vhaluvhu leyi pfalekeke.

Eka swiyimo swin'wana vuhandzuri bya laveka ku pfula mpfaleko. Loko mpfaleko wu ri ehlehla kumbe ehansi ka vhaluvhu vuhandzuri byi tala ku laveka.